

Hs. 58, 38

VONN DEM ZWATZLER.

Hort, Seyt Jch vonn wunder sagen soll,
 So beweiß ich das mit der warhait wol.
 Mit der warhait wil ich beweisen das,
 5 Daß ein knabe bey ainer dirn 'saß.
 Vmb was er sie bath, das thet jr zorn.
 Tribstus es ymmer zu, es wer verlorn.
 Jr paydes werben was also stoltz.
 Jr paider vater vnd muter furen gen holtz.
 10 Do nun Jr muter gen marck was ganngen
 Vnd ließ das tochterlein allain dahaymen,
 Dem knaben komen die mere haym,
 Wie das tochterlein allein wer da haym.
 Er kloppffet an jr vennsterlein.
 15 Stee auff, lies lieb, vnd laß mich ein!
 Das er vnnter seinem geren trug,
 Das was hupsch vnnnd klug.
 Sie sprach: hertzes lieb, was ist das?
 Er sprach: es ist mein zwatzler
 20 Vnd des lannds pallirer.
 Sicherlichen, liestu dich damit bestreichen,
 Es ging dir sicher dester pas.
 Jch wais nit, was er Jr gehieß,
 Dann das sie sich damit bestreichen ließ.
 Hs. 58, 38^b Es thet Jr Sicher also Sannfft,
 Das sie weder hennd noch fueß enpfand
 Vnnnd auch aller jr gelider.
 Sie sprach: lieber zwatzler, halt dich herwider!
 Des wart jr muter gewar.
 30 Sie nam das töchterlein bey dem har.

1. Vgl. hs. 2, 112^e. 15. ? liebs. Vgl. s. 408, 4.

- Sie troet jr für den Richter zwar,
 Das sie es des morgens dem Richter wolt clagen
 Die muter stelt sie ane den rinck
 Vnd sprach: sag an, lies töchterlein!
- 5 Sie sprach: Herr der Richter, Es hat niemant getan,
 Dann der zwatzler vnnd des lannds pallirer,
 Der hat gewandert hin vnnd here
 Vnd bringt vnns vill der neüen mer.
 Wer der zwatzler wer?
- 10 Sie sprach: Er ist gelatzet, als der alt mayer,
 Vnd hat zwen flügel als zway ennten ayer.
 Man truë Jr here ein stock,
 Man solt abhauen dem zwatzler sein kopff.
 Jch wais nit, wie sie jn ersach,
- 15 Dann das er gen Jr auff Schnappet,
 Vnd sprach: zwatzler, lieber knecht,
 Kenstu mich noch für die alten recht?
 Herr der Richter, hat eüch mein vater vil gehaissn,
 Das heyßt eüch laysten.
- Hs. 58, 39 Herr der Richter, Jch will dem zwatzler nichtz thun,
 Vnd solt ich mit Jm aus dem lannd gan
 Mein lannd abylohn.
 Der selbig man
 Het ein knecht, der hieß alamagucka,
- 25 Vnd der selb alamagucka
 Der nam sein steblyn pulica
 Vnd trayb die Saw scroffa
 Jn den wald loffa.
 Do kom jm ein wolff wulpa,
- 30 Er schlug den wolff auff den ars,
 Do entpfull jm ein treck.
 Derselbig treck hieß naga.
 Jeczunt ys gar aus.

4. ? liebs. Vgl. s. 407, 15. 17. ? In ein.